

**OFFICE OF THE  
HIGH REPRESENTATIVE**

Emerika Bluma 1, 71000 Sarajevo  
Tel: 387 33 283 500 Fax: 387 33 283 501

20 decembar 2001

Gosp. Dževad Hadžić  
Šef Odjeljenja  
Općina Donji Vakuf  
Srednjobosanski kanton  
Federacija Bosne i Hercegovine  
Bosna i Hercegovina

OHR-RRTF/LA/2001/246

Poštovani gospodine Hadžić,

Obraćam Vam se u vezi sa pismom broj 04-31-751/00 od 12 decembra 2000 u kome zahtijevate pismeno izuzeće od Odluke Visokog predstavnika od 27 aprila 2000 kojom se zabranjuje dodjela imovine u državnom vlasništvu, uključujući imovinu u bivšem društvenom vlasništvu.

Konkretno, tražite od ovog Ureda da dozvoli Općini Donji Vakuf dodjelu jedne zemljišne parcele, uknjižene u zemljišnim knjigama kao katastarska čestica 1351/2, površine 240 m<sup>2</sup> – katastarska općina Donji Vakuf, gospodinu Almedinu Hodžiću u svrhu stambene gradnje.

Priloženi zemljišno knjižni izvaci ukazuju na to da se katastarski broj 1351/2, odnosi na građevinsko zemljište u društvenom vlasništvu i da pravo korištenja pripada gospodinu Sulji Hodžiću (ocu gospodina Hodžić Almedina), koji je vlasnik zgrade smještene na pomenutoj parceli. Prema Zapisniku Općine Donji Vakuf, Br: 04-31-751/00 od 2 oktobra 2000, gospodin Suljo Hodži saglasan je sa predmetnom dodjelom zemljišta.

Općinsko vijeće Donji Vakuf odobrilo je predmetnu dodjelu zemljišta svojom Odlukom broj 01/1-023-1203/00 od 1 decembra 2000, dok je Općinsko odjeljenje za urbanizam dalo urbanističku dozvolu za predloženu gradnju u svojoj Odluci broj 23/02-415/00 od 31 jula 2000. Predmetnu dodjelu zemljišta je također odobrio i općinski javni pravobranitelj, gospodin Enes Gudić, koji navodi u svom pismu broj U-24/01 od 16 jula 2001 da nema pravnih zapreka izdavanju zahtijevanog izuzeća od Odluke Visokog predstavnika od 27 aprila 2000.

Prema Odluci Općinskog vijeća od 1 decembra 2000, gospodin Hodžić je obavezan platiti naknadu za dodjelu zemljišta u iznosu od 2,245.35 KM.

U svjetlu informacija koje ste dostavili, ovaj Ured ovlašćuje Općinu Donji Vakuf da dodijeli ranije pomenuto zemljište u gore opisanu svrhu.

Kako je ovo izuzeće dodijeljeno na osnovu valjanosti dokumentacije koju ste dostavili, ono će samo po sebi prestati važiti ukoliko nadležni sud konačnom i obavezujućom odlukom dovede u pitanje vjerodostojnost ili tačnost ove dokumentacije, i/ili informacija koje ona sadrži.

Ovo izuzeće se također dodjeljuje na osnovu shvaćanja i pod uvjetom da će gore imenovani korisnik, ukoliko su on osobno i/ili članovi njegove najuže obitelji korisnici napuštene/potraživane imovine, on i/ili članovi njegove najuže obitelji, u roku ne dužem od 150 dana od dana izdavanja ove odluke, u potpunosti napustiti ovu imovinu. Dodatno, u navedenom roku, on mora dostaviti Vašem uredu tačnu dokaznu dokumentaciju, potvrđenu od nadležnog stambenog organa, da su on osobno i/ili članovi njegove najuže obitelji u potpunosti napustili svu takvu imovinu, te da ona ostaje u useljivom stanju. Ukoliko ovi uvjeti nisu ispunjeni, ovo izuzeće prestaje važiti neposredno po proteku naznačenog roka.

S poštovanjem,

*(potpisao)*

Ambasador Peter Bas-Backer  
Zamjenik Visokog predstavnika za povratak i obnovu